



ԵՐԵՎԱՆԻ ԲԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիի 1

№ 4576-Ա

« 17 » սեպտեմբերի 2026թ.

ԴԻՄՈՒՄԸ ՄԵՐԺԵԼՈՒ ՄԱՍԻՆ

1. Որոշմամբ լուծվող հարցի նկարագրությունը.

Երևանի քաղաքապետարանի հասցեագրված Լևոն Հովհաննիսյանի 2026 թվականի օգոստոսի 26-ի թիվ Դ-91409-26 դիմումի հիման վրա «Վարչարարության հիմունքների և վարչական վարույթի մասին» օրենքի դրույթներին համապատասխան իրականացվել է վարչարարություն:

2026 թվականի օգոստոսի 26-ի թիվ Դ-91409-26 դիմումով ներկայացված՝ վնասի փոխհատուցման պահանջի քննության կապակցությամբ 2026 թվականի սեպտեմբերի 14-ին ժամը 11.00-ին հրավիրված լուծման ներկայացել և մասնակցել է Լևոն Հովհաննիսյանը և վերջինիս լիազորված անձ՝ Հարություն Մկրտչյանը:

Ուսումնասիրելով 2026 թվականի օգոստոսի 26-ի թիվ Դ-91409-26 դիմումը (այսուհետ՝ նաև Դիմում), դիմումին կից և լուծման ընթացքում ներկայացված ապացույցները, վարչարարության շրջանակներում իրականացված լուծման վերաբերյալ 2026 թվականի սեպտեմբերի 14-ի արձանագրությունը, գնահատելով դիմումի առարկային առնչվող բոլոր փաստական հանգամանքները, պարզվել է հետևյալը.

2. Որոշման կայացման համար հիմք հանդիսացող փաստերը.

Երևանի քաղաքապետարանի հասցեագրված՝ 2026 թվականի օգոստոսի 26-ի թիվ Դ-91409-26 դիմումով, ինչպես նաև վարույթի լուծման ընթացքում ներկայացված դիրքորոշմամբ Լևոն Հովհաննիսյանը և վերջինիս ներկայացուցիչ Հարություն Մկրտչյանը խնդրել են փոխհատուցել 2026 թվականի օգոստոսի 14-ին Երևան քաղաքի Զաքյան փողոցի թիվ 2 հասցեի բակում կայանված՝ «BYD» մակնիշի «37 ՏՂ 845» հաշվառման համարանիշի փոխադրամիջոցի վրա ծառի ճյուղ ընկնելու արդյունքում առաջացած վնասը:

2026 թվականի մայիսի 14-ին տրված տրանսպորտային միջոցի հաշվառման թիվ AB866242 վկայագրի համաձայն՝ «BYD» մակնիշի «37 ՏՂ 845» հաշվառման համարանիշի փոխադրամիջոցը հանդիսանում է Լևոն Հովհաննիսյանի սեփականությունը:

Հայաստանի Հանրապետության ներքին գործերի նախարարության ոստիկանության համայնքային ոստիկանության գլխավոր վարչության Կենտրոնական բաժնում ստացված ահազանգի կապակցությամբ կազմված՝ թիվ Գ/մ-8654 նյութերում առկա՝ անձին հարցման ենթարկելու վերաբերյալ 2026 թվականի օգոստոսի 15-ի արձանագրության համաձայն՝ Լևոն Հովհաննիսյանը հայտնել է, որ 2026 թվականի օգոստոսի 14-ին ժամը 18:00-ի սահմաններում Երևան քաղաքի Զաքյան փողոցի թիվ 2 հասցեի մոտ կայանված՝ «BYD» մակնիշի «37 ՏՂ 845» հաշվառման համարանիշի ավտոմեքենայի վրա ընկել է ծառի մեծ ճյուղ և վնասել ավտոմեքենայի տարբեր հատվածները:

Դիմումի կապակցությամբ Երևանի քաղաքապետարանի աշխատակազմի բնապահպանության վարչությունից 2026 թվականի սեպտեմբերի 2-ին ստացվել է պարզաբանում այն մասին, որ «Կանաչապատում և շրջակա միջավայրի պահպանություն» համայնքային ոչ առևտրային կազմակերպության տրամադրած տեղեկատվության համաձայն՝ 2026 թվականի օգոստոսի 14-ին Կենտրոն վարչական շրջանի Զաքյան փողոցի թիվ 2 հասցեում ծառի ճյուղի տապալման վերաբերյալ գրություն, «Թեժ գիծ», «Ակտիվ քաղաքացի» հարթակից տեղեկատվություն կազմակերպությունը չի ստացել, իսկ վերջինիս աշխատակիցների տեղատեսության արդյունքում ծառի կոտրված ճյուղ չի հայտնաբերվել:

Դիմումին կից, 2026 թվականի սեպտեմբերի 14-ին կայացած լուսնների ժամանակ և Դիմումի քննության ընթացքում Դիմումով ներկայացված՝ վնասի փոխհատուցման պահանջին առնչվող փաստական հանգամանքների ապացուցման նպատակով դիմումատուի կողմից չեն ներկայացվել պատահարի տարածքում և պահին քանոն արագության վերաբերյալ տեղեկանք, «BYD» մակնիշի «37 SJ 845» հաշվառման համարանիշի ավտոմեքենայի վնասվածքներն առաջանալու պատճառների, նույն ավտոմեքենայի հետքաբանական և ապրանքագիտական փորձաքննության, պատահարի ու վնասի միջև պատճառահետևանքային կապը հիմնավորող՝ ոլորտում համապատասխան որակավորում ունեցող փորձագետների կողմից տրված փորձագիտական եզրակացություններ:

3. Որոշումն ընդունելու հիմնավորումները.

Հայաստանի Հանրապետության քաղաքացիական օրենսգրքի 17-րդ հոդվածի 1-ին մասի համաձայն՝ անձը, ում իրավունքը խախտվել է, կարող է պահանջել իրեն պատճառված վնասների լրիվ հատուցում, եթե վնասների հատուցման ավելի պակաս չափ նախատեսված չէ օրենքով կամ պայմանագրով:

Հայաստանի Հանրապետության քաղաքացիական օրենսգրքի 17-րդ հոդվածի 2-րդ մասի համաձայն՝ վնասներ են՝ իրավունքը խախտված անձի ծախսերը, որ նա կատարել է կամ պետք է կատարի խախտված իրավունքը վերականգնելու համար, նրա գույքի կորուստը կամ վնասվածքը (իրական վնաս), ինչպես նաև չստացված եկամուտները, որոնք այդ անձը կստանար քաղաքացիական շրջանառության սովորական պայմաններում, եթե նրա իրավունքը չխախտվեր (բաց թողնված օգուտ):

Հայաստանի Հանրապետության քաղաքացիական օրենսգրքի 134-րդ հոդվածի 1-ին մասի համաձայն՝ անշարժ գույք են համարվում հողամասերը, ընդերքի մասերը, մեկուսի ջրային օբյեկտները, անտառները, բազմամյա տնկիները, ստորգետնյա և վերգետնյա շենքերը, շինությունները և հողին ամրակցված այլ գույքը, այսինքն՝ այն օբյեկտները, որոնք անհնար է հողից անջատել՝ առանց այդ գույքին կամ հողամասին վնաս պատճառելու կամ դրանց նշանակության փոփոխման, դադարման կամ նպատակային նշանակությամբ հետագա օգտագործման անհնարինություն:

Հայաստանի Հանրապետության քաղաքացիական օրենսգրքի 1058-րդ հոդվածի 1-ին մասի համաձայն՝ քաղաքացու անձին կամ գույքին, ինչպես նաև իրավաբանական անձի գույքին պատճառված վնասը լրիվ ծավալով ենթակա է հատուցման այն պատճառած անձի կողմից:

Հայաստանի Հանրապետության քաղաքացիական օրենսգրքի 1071.1-րդ հոդվածի 1-ին մասի համաձայն՝ անշարժ գույքի օգտագործման, տիրապետման, տնօրինման, շահագործման կամ կառուցապատման ընթացքում այլ անձանց կամ նրանց գույքին պատճառված վնասի հատուցման պատասխանատվությունը կրում է անշարժ գույքի սեփականատերը, եթե չի ապացուցում, որ վնասը ծագել է անհաղթահարելի ուժի կամ տուժողի դիտավորության հետևանքով:

«Վարչարարության հիմունքների և վարչական վարույթի մասին» օրենքի 42-րդ հոդվածի 1-ին մասի համաձայն՝ վարչական մարմինը վարչական վարույթում որպես ապացույց գնահատում է գործում առկա բացատրությունները, ցուցմունքները, փորձագիտական եզրակացությունները, փաստաթղթերը, նյութերը, իրերը, ինչպես նաև այն հանգամանքները, որոնք իր հայեցողությամբ այդ մարմինը պիտանի և անհրաժեշտ է համարում գործի փաստական հանգամանքների բացահայտման և գնահատման համար:

«Վարչարարության հիմունքների և վարչական վարույթի մասին» օրենքի 43-րդ հոդվածի 1-ին մասի «ա» կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է՝ անձը՝ նրա համար բարենպաստ փաստական հանգամանքների առկայության դեպքում:

Ելնելով վերոգրյալից և նկատի ունենալով, որ Դիմումին կից, ինչպես նաև վարույթի ընթացքում դիմումատուի կողմից չեն ներկայացվել «BYD» մակնիշի «37 S1 845» հաշվառման համարանիշի փոխադրամիջոցի վնասվածքներն առաջանալու պատճառների, վնասված փոխադրամիջոցի հետքաբանական և ապրանքագիտական փորձաքննության, պատահարի ու վնասի միջև պատճառահետևանքային կապը հիմնավորող և ենթադրյալ վնասը Երևանի քաղաքապետարանի կողմից փոխհատուցման ենթակա լինելու վերաբերյալ՝ ոլորտում համապատասխան որակավորում ունեցող փորձագետների կողմից տրված փորձագիտական եզրակացություններ, որի պայմաններում իրականացված վարչարարությամբ չի ապացուցվել Դիմումում նշված՝ 350.000 (երեք հարյուր հիսուն հազար) ՀՀ դրամի կամ «Անձին հարցման ենթարկելու վերաբերյալ» 2026 թվականի օգոստոսի 15-ի արձանագրության մեջ շարադրված՝ Լևոն Հովհաննիսյանի պատասխանում նշված 900.000 (ինը հարյուր հազար) ՀՀ դրամի չափով վնասի փոխհատուցման հիմնավորվածությունը, ուստի ղեկավարվելով Հայաստանի Հանրապետության քաղաքացիական օրենսգրքի 17-րդ, 1058-րդ, 1071.1-րդ, «Վարչարարության հիմունքների և վարչական վարույթի մասին» օրենքի 42-րդ և 43-րդ հոդվածներով.

ՈՐՈՇԵՑԻ

1. Երևանի քաղաքապետարան հասցեագրված Լևոն Հովհաննիսյանի՝ վնասի փոխհատուցման պահանջի մասին 2026 թվականի օգոստոսի 26-ի թիվ Դ-91409-26 դիմումը մերժել:

2. Սույն որոշումն ուժի մեջ է մտնում այն ստանալու հաջորդ օրը:

3. Սույն որոշումը կարող է բողոքարկվել վարչական կարգով Երևանի քաղաքապետին կամ դատական կարգով՝ Հայաստանի Հանրապետության վարչական դատարան՝ դրա ուժի մեջ մտնելու օրվանից երկամսյա ժամկետում:

ՏԻԳՐԱՆ ԱՎԻՆՅԱՆ


eSign